

Presiden Halimah lawat Malaysia

PRESIDEN Halimah Yacob akan melakukan lawatan kerja selama dua hari ke Kuala Lumpur mulai hari ini.

Semasa di sana, Puan Halimah akan menghadiri majlis jamuan teh oleh Yang Dipertuan Agung Malaysia, Sultan Muhammad V, menurut satu kenyataan Pejabat Presiden semalam.

Presiden Halimah akan juga bertemu dengan masyarakat Singapura di Kuala Lumpur dalam satu majlis yang dianjurkan Suruhanjaya Tinggi Singapura.

Semasa di Kuala Lumpur, Presiden Halimah turut akan menghadiri kejohanan golf antara Universiti Malaya (UM) dengan Universiti Nasional Singapura (NUS), dengan kedudukan beliau sebagai canselor NUS.

Beliau telah diundang kanselor UM, Sultan Nazrin Muizzuddin Shah, yang merupakan Sultan Perak.

Kejohanan tahunan itu telah diadakan sejak 1968, dengan setiap universiti bergilir menganjurkan kejohanan.

Presiden Halimah ditemani suaminya, Encik Mohamed Abdullah Alhabshee, dan pegawai daripada Kementerian Ehwal Luar (MFA), Pejabat Presiden dan NUS.

Semasa ketiadaan Presiden Halimah, Encik J Y Pillay, Pengerusi Majlis Penasihat Presiden, akan melaksanakan fungsi pejabat Presiden.